



Doris Jakobsen
Inatsisartunut ilaasortaq

Inuuniarnermi piginnaangorsagaqqinnermik suliniutit pillugit

Asasara Doris,

Ulloq apriliip 9-iani 2014 apeqquteqarsinnaanermut atatillugu inuuniarnermi piginnaangorsagaqqinnermik suliniutit pioreersut, tulliuttuni saqqummiunneqartussat, apeqqutigaaatit.

Pinerluuteqarsimasunik inuuniarnermi piginnaangorsagaqqinnerit Naalakkersuisunit pingaartinneqarput. Taamaattumik pinerluuteqarsimasut inuiaqatigiinnut iluameersumik uteqqinnissaat isumagissallugu Naalakkersuisut isumaanniippoq. Taamaattumik Naalakkersuisoqarfiup Kalaallit Nunaanni Pinerluuteqarsimasunik Isumaginnittoqarfimik suleqateqarluarnera pingaaruteqarluartuuvoq, siunissamilu inuunermik pinerluttuliorfiunngitsumik toqqaanissamut eqqartuussaasimasut periarfissaannik nukittorsaanerminni ilungersuuteqarneri fatigilluinnarpara. Tassunga atatillugu aamma erseqqissaatigissallugu kissaatigaara, Pinerluuteqarsimasunik Isumaginnittoqarfiup isertitaasui sullitaalu inuiaqatigiinni innuttaasunut allanut naligiimmata taamaattumillu inuttut allatulli assigiimmik sulinermi, inooqataanermi inuttullu ineriartornissamut periarfissaqarlutik, isumannaallisaaanermi nakkutillinermilu eqqarsaatigissat tamassumunnga aalajangiisumik aporfiunngippata.

Kalaallit Nunaanni Pinerluuteqarsimasunik Isumaginnittoqarfiup pisortaaneranut, Hans Jørgen Engbo-mut, saaffiginnippunga, suliassamullu imatut isummerpoq:

"Pinerluttulerinnermut Inatsimmi § 171 aalajangiivoq, pineqaatisiinermik naammassiinerup siunertarigaa pinerluttuliornermik killilleeqataanissaq, naammassiinissamillu oqartussaaffeqarfiup (Pinerluuteqarsimasunik Isumaginnittoqarfik) siunertaasup tamassuma suliarinerani inuttut, inooqataanikkut, sulinikkut ilinniartitaanikkullu ineriartornerit aqutigalugit eqqartuussaasoq pinerluuteqanngitsumik inuunissamut tapersersussallugu kajumissaassallugulu.

Isertitsivimmi isertitaasunut atuutissaaq (§ 208), pineqartup sulinermi, ilinniartitaanermi, inooqataanermi inuttullu atugai eqqarsaatigalugit isertitsiviup isertitaasoq ilitersussagaa ikiorlugulu, makku siunertaralugit

- 1) pineqartup pinerluuteqarani inuunissaminut periarfissaata pitsaanerulernissaa, aamma
- 2) ajoqutissanik kiffaanngissusiiagaanerup nassataanik killiliinissaq.

Nakkutigisaaneq ilanngullugu pineqaatisiinerit naammassinissaannut pinerluttulerinnermi inatsit assingusunik piumasaqaateqarpoq.

12. juni 2014
Sullap normua 2014-100278
Allakkap normua 1594984

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: iian@nanoq.gl
www.naalakkersuisut.gl


Inatsimmi naqissuserneqarpoq, Pinerluuteqarsimasunik Isumaginnittoqarfik suliaminut ataatillugu inunnut, sullissisarfinnut oqartussaaffeqarfinnullu inatsisit allat malillugit ikiulsussanut atassuteqartitsissasoq. Pinerluttulerinermut inatsisip piareersaataani tamanna imatut itislierneqarpoq:

*"Inuuniarnermi piginnaangorsaaqqinnermik katsorsaanermillu suli-
niutit (...) illuusissatut slunnersuutigineqartuni tamani immikkut ataa-
siakkaartuni ilanngunneqarput. Tamakkuninnga suliarinninnlssamut
isumaginnittoqarfimmik peqqinnissaqarfimlllu aammalu pisortat
namminersortullu sullffeqarfiinik il.il. allanik qanimut suleqateqarnis-
saq tunngaviuvoq, assersuutigalugu Imigassamik iklaroornartunillu
atornerluinermut katsorsaaneramik neqeroorutinl. Suleqatiglinnerup
tamassuma aaqqilssuunnlssaa nukittorsarnissaalu slunertaralugu slu-
nersuutigineqassaaq, Pinerluuteqarsimasunik Isumaginnittoqarfik pil-
lugu Qitiusumik Ataqaatigiissaarisut pilersinneqassasut, Kalaallit Nu-
naanni Pinerluuteqarsimasunik Isumaginnittoqarfimmik aqutsisunit,
isumaginninnermut pisortaqaarfimmit, peqqinnissaqarfimmut pisorta-
qaarfimmit immaqalu aamma Kanukoka-mit sinnlisoqartunik.
Slunertaasoq tassaassaaq apeqqutit ataatsimoorluni soqutigisat oqal-
lisigisarnlssaat, pingaartumik pineqartut sumliffinni oqartussaaffeqar-
fiisa, kommuninl tamani immikkut ataqaatigiissaarisunik aaqqilssuun-
nissaanik slunnersuutigineqartut, suleqatiglinnerinik ataqaatigiissaari-
nissaq ilanngullugu. Immikkut sullitanut eqikkartunut tamanut tunnga-
tillugu pilersaarusiornlssaq aamma suliaaavaq, assersuutigalugu
pinerluuteqartut Inuiaqaatiglinnik kiffartuussinissamik pineqaatissinne-
qartut aamma tarnimikkut napparsimasut, sumliffimmlu pilersaarutit
naammassinneqarnissaat qulakkeerlugu."*

Tamanna naapertorlugu Pinerluuteqartunik Isumaginnittoqarfik pillugu Qitiusumik Ataqaatigiissaarisut pilersinneqarput, Pinerluuteqartunik Isumaginnittoqarfimmit, Peqqinnlssamut Attaveqaatigiinnermullu Naalakkersuisoqarfimmit, Ilaqutariinnermut Inatsisinillu Atuutsitsinermut Naalakkersuisoqarfimmit aammalu Kanukoka-mit sinniisunik peqataaffiusoq. Aammattaaq Ilinniartitaanermut, Ilageeqarnermut, Kultureqarnermut Naligiisitaanermullu Naalakkersuisoqarfiup ataatsimiititaliap kajumissaarineratigut ataatsimiititaliami sinnlisoqarnissani akuersissutigaa".

Inussiarnersumik inuulluaqqusillunga

Med venlig hilsen


Martha Lund Olsen